



COMUNU DE QUARTU S. ALENI

Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018.

DE SU 5 AL 7 OTTOBRE SU FÈSTIVAL DE LITERADURA TUTTESTORIE FAGHET TAPA A QUARTU

Su 5, 6 e 7 santugaine 2022 su 17° Fèstival de Literadura pro Piseddos Tuttestorie at a fàghere tapa in Quartu Sant'Aleni. S'adobia, chi s'ant a tènnere acanta sa Biblioteca Piseddos a is 9 e a is 11.15, sunt riservados a is alunnos de is iscolas e ant a bìdere sa partetzipatzione de Sara Marconi, Silvia Bevilacqua, Serenella Quarello e Guido Sgardoli.

Su 17° Fèstival Tuttestorie de Literadura pro Piseddos “Cantu mancat? Contados, bisiones e libros pro esplorare su tempus”, est unu progetu de sa Libreria pro Piseddos Tuttestorie, cun sa consulèntzia de ideas e textos de Bruno Tognolini.

Si comintzat mèrcuris 5 santugaine, acanta sa Biblioteca Piseddos, cun:

Sara Marconi cun “su Biàgiu d Madì” (oras 9)

Sara Marconi, iscritora pro pitzocos, editores e tradutora. A pustis de s'èssere laureada in Istòria de sa limba italiana in Bologna, e a pustis de pretzedentes esperièntzias de traballu, s'est iscostiada in Toscana ue at fundadu e dirìgidu unu progetu de arte e comunicatzione lùdica. Oe bias e traballat a Torinu, ue dirighet Su Mignolo, su supplementu de s'Inditze de is libros de su mese dedicadu a is libros pro pipios e pitzocos. Is libros e sa literadura sunt in semper sa passione sua. “Su biàgiu de Madì” nche contat de su piticu Madì chi in su mundu suo bellu meda e coloradu dèdicat totu su tempus suo e is pensamentos suos a sa cura de is frores. Una note, in su padente, s'aberit una ghenna màgica e cumparent tres curiosas creaturas. Benint dae un'isula largana, de in cue dae su mare. A pustis de àere acollidu is tres disconnotos e àere istrintu cun amighèntzia issoro, at a èssere Madì a barigare sa ghenna màgica a s'iscoberta de mundos disconnotos.

S'initziativa sighit giòvia 6 santugaine, semper in sa Biblioteca Piseddos, cun:

Silvia Bevilacqua cun su laboratòriu de pràtica filosòfica “Pessare e domandare paris cun Pluk, Isotta, Jip e Janneke” (oras 9)

Silvia Bevilacqua est laureada in Filosofia, ricercadora acanta s'Università de is istùdios de Gènova, ue est dotzente de su Màster de su segundu livellu in Pràticas de filosofia a iscola, in is comunidades e in is organizatziones. Formatrice in Philosophy for children /community est impinnada in sa chirca e in sa realizatzione de progetos de pràtica filosòfica. At collaboradu cun sa Comunidade San Benedetto a su Porto de Gènova fundada dae Don Andrea Gallo, promovende faina de natura filosòfica; at contribuìdu a sa nàschida e a s'isvilupu de su progetu Paris de pràticas in manera filosòfica autònomas e est cofondatrice de sa sotziedade Propòsitos de filosofia. Su laboratòriu propostu bidet sa partetzipatzione de Pluk, Isotta, Jip e Janneke, protagonistas de is libros suos, chi paris cun issa intavoleranno “discussiones filosòficas” cun su giòvanu pùblicu.

Serena Quarello cun “ESTINTOPEDIA” (oras 11.15)

Serenella Quarello est autora de libros pro pipios e piseddos e dotzente de ispagnolu in unu litzeu. Organizat laboratòrios creativos pro sa letura animada, s'iscritura creativa e sa tradutzione literària. “Estintopedia”, acraridu dae Alessio Alcini, est unu biàgiu a s'iscoberta de chie non b'at prus, e de chie arriscat de isparire. Pro cumprèndere ite podimus fàghere pro non pèrdere unu pezzettino de vida. Rafinadas illustratziones chi rimandant a is manuales de su Otighentos de zoologia e a sas Wunderkammer.

In fines chenàbura 7 santugaine, ancora acanta sa Biblioteca Piseddos, is alunnos e is alunnas ant a adobiare:

Guido Sgardoli cun “FUNERAL PARTY” (oras 11.15)

Guido Sgardoli, iscritore e veterinàriu, coltivat finas dae giòvanu meda sa passione pro s'iscritura, su disinnu e s'animatzione. A pustis de s'esòrdiu in su 2004, at publicadu in prus de chentu títulos de narrativa, dedicada a su pùblicu de is pipios, pitzocos e pitzocos. “Funeral Party” est s'istòria de Isfortunadu Forte, chi a sa sua mortas lassat in eredades isvariados benes e s'ammentu de una vida istraordinària. Sa vida de Isfortunadu est un'istòria de iscobèrrere e est custu chi faghent is invitados a su suo funeral party.